

Fjölbrautaskólinn við Ármúla
Ársskýrsla fjarnáms 2024

Inngangur

Skýrslan er samantekt úr árskýrslu Fjölbrautaskólans við Ármúla og innra mati hans um fjarnám skólans.

Nemendum í fjarnámi heldur áfram að fjölga og árið 2024 voru skráningar í fjarnám fleiri en árið 2020 þegar heimsfaraldur vegna covid-19 gekk yfir landið

Þátttakan í kennslukönnunum fjarnáms batnaði á árinu og var um 17,5-18,5%. Kennslukannanir voru lagða fyrir vor og haust í gegnum Forms. Nú reyndist grunnur til þess að gefa kennurum fjarnáms endurgjöf á sína áfanga. Nemendur voru sem fyrr ánægðir með skipulagið en síður með endurgjöf kennara.

Skólinn fékk Sahara auglýsingastofu til að gera [3 ný myndbönd](#) fyrir fjarnámið og er stefnan sett á að gera fleiri myndbönd fyrir skólann á næsta ári. Fjarnámið er auglýst á RÚV, á útvarpsstöðvum SÝN og með herferðum á samfélagsmiðlum.

Vorið 2024 fór innra mat á fjarnáminu fram. Það leiddi það í ljós að skólinn hefur náð miklum árangri í að staðla uppsetningu áfanga. Slík stöðlun auðveldar nemendum námið; sérstaklega ef þeir eru að taka marga áfanga eða eru í fjarnáminu í margar annir. Mikið samræmi reyndist vera í upplýsingagjöf í kennsluáætlun og kennsluvefs hvers áfanga í Moodle. Fjarnámið byggist á vinnu nemenda yfir önnina sem endurspeglast í því að verkefni lokast yfir önnina í um 76% tilvika.

Það sem mætti bæta einna helst eru eftirfarandi atriði:

- auðvelda nemendum að meta framgang sinn í ríkari mæli en nú er
- setja vægi verkefna inn í tengla á verkefni/prófin
- huga að fjölbreytileika í framsetningu og nota hljóð og mynd í ríkari mæli en þeir gera almennt

Þátttaka nemenda í lokaprófum hefur verið um 60% undanfarin ár og var árið 2024 engin undantekning. Þetta hlutfall er eitt af gæðamarkmiðum skólans.

Skólinn setti sér þau markmið að efla, styrkja og standa vörð um gæði fjarnáms skólans í þriggja ára stefnu skólans sem hann skilaði haustið 2024 til ríkisins. Skólinn setti þrjá mælikvarða fyrir fjarnámið til að fylgjast með árangri:

1. Hlutfall nemenda sem þreyta lokapróf.
2. Þátttaka fjarnema í kennslukönnun.
3. Meðaleinkunn áfanga í kennslumati.

Þá undirbjó skólinn viðhaldsvottun fjarnáms sem er á dagskrá vorið 2025.


Fjarnemar

Fjöldatölur - þróun

Annir í fjarnámi eru þrjár: vor (V), sumar (S) og haust (H). Nokkuð stöðugleiki er í fjölda fjarnema á haustin og vorin en þá sækja 1200-1300 nemendur sér fjarnám við skólann. Tölur fyrri ára eru fengnar úr fyrri ársskýrslum en tölur fyrir árið 2024 voru fengnar frá Hagstofu Íslands í gegnum Innu: 5. febrúar, 17. júní og 14. september 2024.

2020			2021			2022			2023			2024		
V	S	H	V	S	H	V	S	H	V	S	H	V	S	H
1206	1104	1274	1346	981	1099	1300	705	1191	1298	920	1277	1451	1062	1366

Vorönnin 2024 var sérstaklega fjölmenn og er nemendafjöldi í fjarnámi í raun meiri en hann var 2020 og 2021 þegar heimsfaraldur gekk yfir.



Alls tóku 109 nemendur í dagskóla FÁ áfanga í fjarnámi og um 130 haustið 2024 eða svipaður fjöldi og árið 2023

Fjöldatölur - skipting milli landshluta

Rúmlega 40% fjarnema komu úr Reykjavík eins og 2023. Að öðru leyti koma stærstu hóparnir af höfuðborgarsvæðinu, Suðurlandi, Suðurnesjum og Norðurlandi-eystra þar sem stórir byggðarkjarnar eru.

	Bæjarfélag	vor 2024	sumar 2024	haust 2024
Landsbyggð	Austurland	30	23	37
	Norðurland eystra	63	79	65
	Norðurland vestra	20	16	10
	Suðurland	90	67	79
	Suðurnes	80	56	85
	Vestfirðir	17	12	10
	Vestmannaeyjar	8	4	5
	Vesturland	50	30	36
	Samtals af landsbyggð	358 (25%)	287 (28%)	327 (24%)
Höfuðborgarsvæðið	Garðabær	60	63	52
	Hafnarfjörður	120	98	131
	Kópavogur	181	132	187
	Mosfellsbær	67	35	64
	Seltjarnarnes	15	8	7
	Samtals af Höfuðborgarsv. utan Rvík.	443 (31%)	336 (32%)	441 (33%)
	Reykjavík	608 (43%)	420 (40%)	581 (43%)
	Samtals (nemendur með pósthúmer)	1409	1043	1349

Kynjaskipting

Í meðfylgjandi töflu er að finna kynjaskiptingu fjarnema.

Önn	Karlar (%)	Konur (%)	Annað eða ótilgreint kyn (%)
Vor	40,0	59,7	0,3
Sumar	43,4	56,6	0,0
Haust	37,7	62,2	0,1

Aldursdreifing


Aldur fjarnema var nokkuð svipaður og árið 2023 og talsvert hærri en í dagskóla þótt þar séu margir grunnskólanemar.

Önn	Meðalaldur	Miðgildi aldurs	Staðalfrávik aldurs
Vor	24,6	20,5	11,0
Sumar	23,2	19,0	9,4
Haust	25,1	20,0	11,7

Skipting skráninga gagnvart lokaprófi

Nemendur í fjarnámi þurfa að þreyta lokapróf nema í undantekningartilvikum. Lokaprófin eru þreytt í skólahúsnæði Fjölbrautaskólans við Ármúla við Ármúla 12, í öðrum viðurkenndum fræðslumiðstöðvum hér heima og erlendis, eða á ræðismannsskrifstofum víða um lönd.

Á næstu síðu er graf yfir þær skráningar í fjarnám eftir því hvort nemandi mætir í lokapróf, stenst lokapróf eða þreytir lokapróf. Niðurstöður eru reiknaðar yfir vor, sumar og haust.



Rúmlega 60% nemenda þreyta lokapróf alla jafna en rúmlega þriðjungur heltist úr lestinni og mætir ekki til lokaprófs. Árið 2024 var afar hefðbundið að þessu leyti.

Ef miðað er við árið 2020 þá gæti skólinn hækkað hlutfall þreyttra lokaprófa með því að hafa lokapróf með frjálsglegri hætti. Að mati skólasamfélagsins stendur skólinn vörð um gæði námsins með því að hafa lokapróf á viðurkenndum prófstöðum. Nemendur sem mæta til lokaprófs þurfa t.d. að framvísa skilríkjum og geta ekki notað nema leyfð hjálpargögn.

Lokaorð

Fjarnám FÁ sótti fram á flesta mælikvarða á árinu 2024. Nemendum fjölgaði á öllum önnum og aukin þátttaka var í kennslukönnunum. Skólinn setti af stað auglýsingaherferð í samstarfi við Sahara og framkvæmdi innra mat sem sýndi styrkleika og tækifæri til þess að sækja fram. Þá setti skólinn sér markmið með fjarnáminu í þriggja ára áætlun sinni.

Reykjavík í febrúar 2025

Unnar Þór Bachmann gæðastjóri FÁ.